



Bastia

CITÀ DI CULTURA

**Regolamentu internu
di u Cunsigliu Municipale
2026 - 2032**

Bastia

CITÀ DI CULTURA

A Sunta

CAPITULU I : URGANIZAZIONE DI E SEDUTE	4
ARTICULU 1 : PERIUDICITA DI E SEDUTE (ARTICULI L. 2121-7 E L. 2121-9 DI U CGCT).....	4
ARTICULU 2 : CUNVUCAZIONE (ARTICULI L. 2121-10, L. 2121-11 E L. 2121-12 ALINEA 2 DI U CGCT)	4
ARTICULU 3 : ORDINE DI U GHJORNU	4
ARTICULU 4 : ACCESSU A I CARTULARI (ARTICULU L. 2121-13 DI U CGCT)	4
ARTICULU 5 : QUISTIONE SCRITTE E A BOCCA E TEMPU DI PAROLLA (ARTICULU L. 2121-19 DI U CGCT).....	5
CAPITULU II : CUMMISSIONE E CUMITATI CONSULTATIVI.....	5
ARTICULU 6 : CUMMISSIONE MUNICIPALE (ARTICULU L. 2121-22 DI U CGCT).....	5
ARTICULU 7 : FUNZIUNAMENTU DI E CUMMISSIONE MUNICIPALE.....	5
ARTICULU 8 : CUMMISSIONE CONSULTATIVE DI I SERVIZI PUBLICHI LUCALI (ARTICULU L. 1413-1 DI U CGCT).....	6
ARTICULU 9 : CUMMISSIONE DI CHJAMA A OFFERTE E DI CUNCESSIONE.....	6
ARTICULU 10 : MISSIONE D'INFURMAZIONE E DI VALUTAZIONE (ARTICULU L.2121—22-1 DI U CGCT) :	6
CAPITULU III : TENUTA DI E SEDUTE DI U CUNSIGLIU MUNICIPALE.....	7
ARTICULU 11 : PRESIDENZA (ARTICULU L. 2121-14 DI U CGCT)	7
ARTICULU 12 : GRUPPI D'ELETTI.....	7
ARTICULU 14 : MANDATI (ARTICULU L. 2121-20 DI U CGCT).....	8
ARTICULU 15 : : SECRETARIATU DI SEDUTA (ARTICULU L. 2121-15 DI U CGCT).....	8
ARTICULU 16 : ACCESSU E TENUTA DI U PUBLICU (ARTICULU L. 2121-18 ALINEA 1MU DI U CGCT)	8
ARTICULU 17 : ARREGISTRAMENTU DI I DIBATTITI (ARTICULU L. 2121-18 ALINEA 3 DI U CGCT).....	8
ARTICULU 18 : SEDUTA A USCIU CHJOSU (ARTICULU L. 2121-18 ALINEA 2 DI U CGCT) ...	8
ARTICULU 19 : PULIZZA DI L'ASSEMBLEA (ARTICULU L. 2121-16 DI U CGCT).....	9
CAPITULU IV : DIBATTITI E VOTI DI E DELIBERAZIONE (ARTICULU L. 2121-29 DI U CGCT) ...	9
ARTICLE 20 : SVULGIMENTU DI A SEDUTA.....	9
ARTICULU 21 : SOLITI DIBATTITI.....	10
ARTICULU 22 : DIBATTITU DI URIENTAZIONE PER U BILANCIU (ARTICULU L. 2312-1 DI U CGCT).....	10
ARTICULU 23 : SUSPENZA DI SEDUTA.....	10
ARTICULU 24 : AMENDAMENTI.....	10
ARTICULU 25 : VOTI (ARTICULU L. 2121-20 DI U CGCT).....	11
ARTICULU 26 : CHJUSURA DI OGNI DISCURSATA	11
CAPITULU V : CONTURESI DI I DIBATTITI E DI E DECISIONE.....	11

ARTICULU 27 : PRUCCESSI VERBALI (ARTICULU L. 2121-23 DI U CGCT).....	11
CAPITULU VI : DISPUSIZIONE DIVERSE	12
ARTICULU 29 : MESSA A DISPUSIZIONE DI I LUCALI A I CUNSIGLIERI MUNICIPALI (ARTICULI L. 2121-27 E D2121-12 DI U CGCT)	12
ARTICULU 30 : BUGLITTINU DI INFURMAZIONE GENERALE (ARTICULU L. 2121-27-1 DI U CGCT).....	12
ARTICULU 31 : DESIGNAZIONE DI I DELEGATI INDE L'URGANISIMI FURAGNI (ARTICULU L. 2121-33 DI U CGCT).....	12
ARTICULU 32 : RITIRI DI UNA DELEGAZIONE A UN AGHJUNTU (ARTICULU L. 2122-18 ALINEA 3 DI U CGCT)	13
ARTICULU 33 : MUDIFICA DI U REGULAMENTU	13
ARTICULU 34: APPIECAZIONE DI U REGULAMENTU	13

Bastia

CITTÀ DI CULTURA

Regulamentu internu di u cunsigliu municipale

Capitolu I : Organizzazione di e sedute

Articulu 1 : Periudicità di e sedute (articuli L. 2121-7 è L. 2121-9 di u CGCT)

U cunsigliu municipale s'adunisce omancu una volta à trimestru. U calindariu di i cunsiglii municipali hè definitu di modu simestriale. U cunsigliu municipale s'adunisce è deliberaghja inde a merria di a cumuna. Si pò ancu adunisce è deliberà inde un antru locu cullucatu nantu à u territoriu di a cumuna, da u mumentu chì u locu ùn neghi micca à u principiu di neutralità, ch'ellu offri cundizione di accessibilità è di sicurezza necessarie è ch'ellu permetti di assicurà a publicità di e sedute.

U merre puderà adunisce u cunsigliu municipale ogni volta ch'ellu a pensa ùtile. Hè tenutu di cunvucà lu in trenta ghjorni quandu chì a dumanda mutivata li vene fatta da u rapresentante di u Statu di u dipartimento o da u terzu (à u mìnimu) di i membri di u cunsigliu municipale in eserciziu. In casu di urgenza, u rapresentante di u Statu inde u dipartimento puderà accurtà u tempu previstu.

Articulu 2 : Cunvucazione (articuli L. 2121-10, L. 2121-11 è L. 2121-12 alinea 2 di u CGCT)

Ogni cunvucazione vene fatta da u merre. Indetta e quistione purtate à l'ordine di u ghjornu. Hè mintuvata à u registru di e deliberazione, affissate o publicate. A cunvucazione bislingua ammenta a data, l'ora è u locu di a riunione.

L'invii smaterializatu di e cunvucazione à i membri di u cunsigliu municipale è di e cummissione, à l'indirizzu elettronicu ch'elli volenu, serà presceltu. Una versione puderà esse mandata in casa di u cunsigliu municipale patti è cundizione ch'ellu ci sia una dumanda scritta.

U tempu di cunvucazione hè arretu à cinque ghjorni franchi. In casu di urgenza, u tempu pò esse accurtatu da u merre senza pudè esse inferiore à un ghjornu francu. Da l'apertura di a seduta di u cunsigliu municipale u merre ne renderà contu, ellu si pronunzia nantu à l'urgenza è puderà decide di u rinvii di a discursata, per tuttu o in parte, à l'ordine di u ghjornu di una seduta à vene.

Una nota spiegativa di sintesi nantu à l'affari sottomessi à deliberazione vene addirizzata cù a cunvucazione volta versu i membri di u cunsigliu municipale. Sè a deliberazione tocca à un cuntrattu di serviziu publicu, u prugettu di cuntrattu o di mercatu accompagnatu da l'inseme di e pezze pò, à a so dumanda, esse consultata in merria da tuttu u cunsigliu municipale in i cinque ghjorni nanzu à a seduta di u cunsigliu municipale.

Articulu 3 : Ordine di u ghjornu

U merre arrehje l'ordine di u ghjornu. L'ordine di u ghjornu bislinguu hè ripruduttu nantu à a cunvucazione è purtatu à a cunniscenza di u publicu.

Articulu 4 : Accessu à i cartulari (articulu L. 2121-13 di u CGCT)

Ogni membre di u cunsigliu municipale pussede u dirittu, in u quattru di a so funzione, di esse infurmatu di l'affari di a cumuna chì facenu l'oggettu di una deliberazione.

Assicureghja a cumuna a sparghjera di l'infurmazione rispettu à i so membri eletti fendu a scelta di un mezu smaterializatu.

Da permette u scambiu di l'infurmazione nantu à l'affari ch'è toccanu à e so competenze, a cumuna mette à a dispusizione di i so membri eletti, à tìtulu individuale, i mezi infurmàtichi necessari.

Durante i cinque ghjorni ch'è precedenu a seduta, ponu i consiglieri municipali cunsultà i cartulari in merria à l'ore apribile cù l'auturizzazione di u merre.

In ogni casu, issi cartulari seranu tenuti in seduta à a dispusizione di i membri di l'assemblea.

Ogni questione, dumanda di infurmazione complementaria o interventu di un membre di u consiglio municipale versu l'amministrazione comunale, si farà sottu à a custodia di u merre o di l'aggiuntu in càrica di u cartulare, patti è cundizioni ch'ellu sia appiecatu l'articulu 2 alinea 5 quì sopra.

Articulu 5 : Quistione scritte è à bocca è tempu di parolla (articulu L. 2121-19 di u CGCT)

I consiglieri municipali anu u dirittu di spone in seduta di u consiglio questione à bocca o scritte ch'è toccanu à l'affari di a cumuna.

I consiglieri municipali ponu addirizzà per via di un currieru elettronicu à a dag@bastia.corsica, à u minimu 48 ore nanzu à una seduta di u consiglio, u cuntenutu di isse quistione farà l'ogettu d'un accusatu di ricezzione è a risposta serà arricata in seduta. U tempu cunsacratu à isse quistione hè limitatu à 30 minuti in tuttu.

Durante a seduta, u merre o l'aggiuntu in càrica di u cartulare risponde à e questione poste da i consiglieri municipali. E questione sò trattate à a fine di ogni seduta.

E questione sposte dopu à a spirazione di u tempu previstu veneranu trattate à a pròssima seduta.

In ogni ipòtesi, s'è l'ogettu di a questione a dumandi, u merre pò sceglie di scrive la à l'ordine di u ghjornu di u consiglio municipale seguente, sia di modu direttu, sia dopu à a tramandera per esàmine à e cummissione permanente cuncernate.

CAPITULU II : Cummissione è cumitati cunsultativi

Articulu 6 : Cummissione municipale (articulu L. 2121-22 di u CGCT)

Hè cumposta d'una cummissione municipale sola, cumpetente per l'inseme di i duminii d'attività di a cumuna.

A presidenza di issa cummissione hè assicurata, di dirittu, da u merre.

Un vicepresidente è un rapurtadore sò designati à l'uccasione di a prima seduta prevista 8 ghjorni dopu à a so creazione. S'ellu ùn hè micca presente u merre, ellu ch'è presidente di dirittu, u vice presidente invita à e riunione, arrehje l'ordine di u ghjornu è assicureghja u svolgimentu bonu di i dibattiti.

Articulu 7 : Funziunamentu di e cummissione municipale

Sò cumposte di 12 membri (for di u merre) ch'è 3 membri sò di u contrapartitu.

E cummissione ponu ascoltà ghjente qualificate bench'elli ùn fussinu micca eletti à u consiglio municipale.

Ogni consigliere à a facultà di assiste, in a so qualità di auditore, à i travagli di ogni cummissione dopu avè ne infurmatu u so presidente trè ghjorni prima di a riunione.

A cummissione s'adunisce cù una convocazione di u vicepresidente. Hè però tinutu di adunisce a cummissione riguardu à a dumanda di a magiurità di i so membri.

A convocazione, accompagnata da l'ordine di u ghjornu hè indirizzata ad ogni consigliere per via smaterializzata trè ghjorni nanzu à a riunione.

E sedute di a cummissione ùn sò micca pubbliche, eppuru una decisione cuntraria pò esse pigliata da a magiurità di i socii presenti senza cundizione d'accimà u *quorum*.

Almenu ch'ellu ci fussi una decisione cuntraria di u merre, ogni affare sottumessu à u consiglio municipale duverà esse studiatu da una cummissione.

Un anu nisun putere di decisione e cummissione. Esamineghjanu l'affari chì li venenu sottumessi, dà u so parè è face pruposte.

Statuisce à a magiurità di i presenti membri. Un elettu si pò fà rapresentà da un consigliere municipale di u so gruppu.

Elabureghja un contu resu cortu nantu à l'affari studiati. Issu raportu hè cumunicatu ad ogni membre di u consiglio municipale.

Articulu 8 : Commissione consultative di i servizii pùblici lucali (articulu L. 1413-1 di u CGCT)

U merre puderà piglià, per avisu, a commissione di i prugetti chì puderia cuncernà la aldilà di e dispusizione previste da l'articulu L1413-1 di u Codice generale di e cullettività territoriale.

Articulu 9 : Commissione di chjama à offerte è di cuncessione

Articulu 9.1 : Commissione di chjama à offerte (articulu L1411-5 di u CGCT)

Un regulamentu internu à a commissione di chjama à offerte insignerà a pruposta è u viaghjà inde e cundizione di l'articulu L1411-5 di u CGCT

Articulu 9.2 : Commissione di cuncessione (articulu L1411-5 di u CGCT) :

Un regulamentu internu à a commissione di cuncessione insignerà e cundizione materiale di a commissione di cuncessione, inde e cundizione di l'articulu L1411-5 di u CGCT.

Articulu 10 : Missione d'infurmazione è di valutazione (articulu L2121—22-1 di u CGCT) :

10.1 Creazione :

A dumanda di creazione averà à esse indirizzata à u merre, omancu un mese nanzu à a data di a seduta di u consiglio induv'ella serà esaminata, sottu a forma d'un prugettu di deliberazione mutivatu, spunendu di manera precisa l'ogettu di a missione prevista.

Averà à esse signata da omancu un seiesimu di i consiglieri municipali.

U merre a sottumette tandu à u votu di u consiglio chì decide solu di l'opportunità di a so creazione.

Fissa u consiglio l'ogettu di a missione, a so cumpusizione è a so durata, chì ùn pò francà i 6 mesi à partesi da a deliberazione di creazione.

10.2 Cumpusizione :

A cumpusizione di a missione d'infurmazione è di valutazione deve rispettà u principiu di a raprisentazione prupurziunale. Sè a cumpusizione di a missione ùn rispetta più issu principiu, u cunsigliu municipale avvierà a mudifica di a so cumpusizione in cunsequenza.

I so socii sò designati da u cunsigliu municipale.

10.3 Funziunamentu :

A missione d'infurmazione è di valutazione pò invità à participà, cun voce consultativa, di e persone qualificate, fora di u cunsigliu municipale, chì l'audizione li pare utule. Eppure, s'ella a decide di sente un sociu di u persunale municipale, a puderà fà unicamente cù u merre è in presenza di u direttore generale di i servizii o di u so raprisentante.

I rapporti rimessi à u merre da a missione d'infurmazione è di valutazione facenu l'ogettu d'una prisentazione in seduta di u cunsigliu municipale senza ligà à nisun pattu u cunsigliu municipale è d'un dibattitu chì ùn sbocca nant'à un votu.

CAPITULU III : Tenuta di e sedute di u cunsigliu municipale

Articulu 11 : Presidenza (articulu L. 2121-14 di u CGCT)

U cunsigliu municipale hè presidutu da u merre, s'ellu hè assente da quellu chì u rimpiazza.

U presidente prucedu à l'apertura di e sedute, verificheghja u quorum, dà capu à i dibattiti, dà a parolla, strada l'uratori secondu l'affari chì vene sottumessu à u votu. Mette fine à e stanciate di seduta, mette à u votu e pruposte è e deliberazione, conta i scutini, giudicheghja cù u secretariu di seduta e prove di u votu, ne pruclama i risultati, pronunzia l'arretta è a chjuditura di e sedute dopu à u sfinimentu di l'ordine di u ghjornu.

Articulu 12 : Gruppi d'eletti

I consiglieri si ponu custituì in gruppi secondu e so affinità pulitiche per via di dichjarazione indirizzata à u merre per via di currieru elettronicu à dag@bastia.corsica , signata da tutti i socii di u gruppu è cumpurtendu a lista di i socii.

Ogni consiglieru pò aderì à un gruppu è ùn puderà fà parte chè d'unu solu.

Ogni gruppu puliticu deve adunisce omancu dui consiglieri municipali.

E mudifiche di i gruppi sò purtate à a cunniscenza di u merre chì ne parlerà cù i socii di u cunsigliu municipale à a seduta più vicina.

Articulu 13 : Quorum (article L. 2121-17 du CGCT)

U cunsigliu municipale delibereghja quandu chì a maiortà di i so membri hè accimata.

Sè, dopu à una prima cunvucazione chì vene fatta secondu à e dispusizione di l'articuli L. 2121-10 à L. 2121-12, u quorum ùn hè micca accimatu, u cunsigliu municipale serà cunvucatu di novu à trè ghjorni di spaziu. Delibereghja tandu senza cundizione di quorum.

U quorum deve esse accimatu à l'apertura di a seduta ma dinù durante a messa in discursata di ogni questione sottumessa à a deliberazione. Cusì, sè un consigliere municipale si tramuta durante a seduta, iss'ultima ùn puderà cuntinuvà chè quandu u quorum ferma accimatu malgradu a partenza.

Sè u quorum ùn hè accimatu à l'occasione di l'esàmine di un puntu di l'ordine di u ghjornu sottumessu à a deliberazione, u merre leva a seduta è rinvia a sèguita di l'affari à una data altra.

I puteri dati da i consiglieri assenti ùn entrenu in contu nù u càculu di u quorum.

Articulu 14 : Mandati (articulu L. 2121-20 di u CGCT)

Un consigliere municipale impeditu di assiste à una seduta pò dà à un'antru consigliere di a so scelta u putere scrittu di vutà à nome soiu. Un consigliere municipale ùn puderà esse portadore di più ch'è di un votu. U putere hè sempre revocabile . Francu i casi di malattia accertata, ùn pò esse vevule per più di trè sedute di fila.

E deliberazione sò pigliate à a maggioranza assoluta di i voti sprimati.

Quandu ellu ci hè scumpartera uguale di i voti, almenu ch'ellu ci fussi u scutinu secretu, u votu di u presidente hè preputente.

U mandatariu rimette a delegazione di u votu o u mandatu à u presidente di seduta, à u più tardi, durante a chjama di u nome di u consigliere impeditu. A delegazione di u votu pò esse stabilita durante una seduta à a quale partecipeghja un consigliere in l'òbligu di arritirassi prima di a fine di a seduta.

Da schisà ogni cuntruversa nantu à a partecipazione à u votu, i consiglieri municipali chì s'arritiranu di a sala di e deliberazione devenu fà cunnosce à u merre a so voglia o a so vultà di fassi rapresentà.

Articulu 15 : Secretariatu di seduta (articulu L. 2121-15 di u CGCT)

In principiu di ogni seduta, u consighiu municipale numineghja unu di i so membri per riempie e funzione di secretariu.

A issu secretariatu ci pò aghjunghje di l'ausiliarii, pigliati for di i so membri, chì assistenu à e sedute ma senza participà à e deliberazione.

U secretariu di seduta, chì hè un(a) elettu (a), assiste u merre per a verifica di u quorum è di a validità di i puteri, di a cuntestazione di i voti è di u sveltimentu bonu di i scutini. Dà capu à l'elaborazione di u prucedu verbale di a seduta.

L'ausiliarii di seduta ùn piglieranu a parola quand'ella hè un invitu espressu di u merre è fermanu tenuti da un òbligu di riserva.

Articulu 16 : Accessu è tenuta di u pùbliku (articulu L. 2121-18 alinea 1mu di u CGCT)

Sò pùbliche e sedute di u consighiu municipale.

For di i membri di u consighiu municipale o di l'amministrazione municipale nimu ùn puderà entre indè l'accinta di u consighiu senza esse ne auturizatu da u presidente.

U pùbliku vene auturizatu à occupà i posti chì li sò riservati inde a sala. Deve ripsettà un silenziu durante u tempu di a seduta. Hè pruibita ogni testimonianza di approvu o di disapprovu.

Un locu specificu serà riservatu à i rapresentanti di a stampa.

Articulu 17 : Arregistramentu di i dibattiti (articulu L. 2121-18 alinea 3 di u CGCT)

I dibattiti feranu l'oggettu di unu arregistramentu audio, puderanu ancu esse ritrasmessi.

Articulu 18 : Seduta à usciu chjosu (articulu L. 2121-18 alinea 2 di u CGCT)

S'elli a dumandanu trè membri di u consighiu o puru u merre, u consighiu municipale pò decide, senza dibattitu, à a maggioranza assoluta di i membri presenti o rapresentati, di adunisce si à usciu chjosu.

A decisione di tene una seduta à usciu chjosu vene pigliata da un votu pùblicu di u cunsigliu municipale.

Quand'ellu hè decisu da u cunsigliu municipale di adunisce si à usciu chjosu, u pùblicu è i raprisentanti di a stmpa si devenu arritirà.

Articulu 19 : Pulizza di l'assemblea (articulu L. 2121-16 di u CGCT)

U merre hè u solu à assicurà a pulizza di l'assemblea. Pò scaccià fora da l'auditoriu o arrestà ogni individuu chì nuci à l'ordine.

In casu di crimine o di delittu (prupòsiti inghjulosi o diffamatorii...), u merre ne face u prucessu verbale è ne chjama sùbitu à u Procuratore di a Repùblica.

Tocca à u merre o à quellu chì u rimpiazza di fà rispettà u regulamentu prisente.

CAPITULU IV : Dibattiti è voti di e deliberazione (articulu L. 2121-29 di u CGCT)

U cunsigliu municipale reguleghja cù e so deliberazione l'affari di a cumuna.

Dà u so parè ogni volta ch'ellu hè chersu da e legge è i regulamenti, o ch'ellu hè dumandatu da u raprisentante di u Statu inde u dipartimento.

Quandu u cunsigliu municipale, richiestu è convucatu di modu regolare, ricusa o negligenteghja di dà u so parè, puderanu fà senza.

U cunsigliu municipale emette augurii nantu à ogni ogettu di interessu locale.

Article 20 : Svolgimentu di a seduta

À l'apertura di a seduta, u merre prucedu à a chjama di i cunsiglieri, custata u quorum è pruclama a validità di a seduta sè iss'ultimu vene accimatu, mintuveghja i puteri ricevuti. Face aggradi u prucessu verbale di a seduta passata è piglia nota di e mudifiche pussibile.

Chjama dopu u merre à l'affari scritti à l'ordine di u ghjornu ; solu quelle chì ponu fà l'ogettu d'una deliberazione.

Pò dinù sottumette à u cunsigliu municipale « quistione diverse », chì ùn rivestenu micca un'impurtanza capitale. Eppure, sè una di isse quistione deve fà l'ogettu d'una deliberazione, averà da esse scritta à l'ordine di u ghjornu di a prossima sedura di u cunsigliu municipale.

Chjama dopu u merre à l'affari scritti à l'ordine di u ghjornu.

Sottumette à l'accunsentu di u cunsigliu municipale i punti detti urgenti (serenu à u massimu 2) chì ùn rivestenu micca un'impurtanza capitale è ch'ellu prupone di aghjunghje à l'esamine di u cunsigliu municipale di u ghjornu.

Accorda a parolla subbitu u merre à chì hà una reclamazione relativa à l'ordine di u ghjornu.

Dumanda à u cunsigliu municipale di numinà u secretariu di seduta.

Accosta dopu i punti di l'ordine di u ghjornu cum'elli sò stati definiti in principiu di seduta.

Ogni affare face l'ogettu d'un riassuntu da i rapurtadori designati da u merre. Issa presentazione pò esse anticipata o seguitata d'un interventu di u merre è d'un avisu di u rapurtadore di a cummissione.

U merre rende contu, di manera trimisinca di e decisione, ch'ellu hà pigliatu rispettu à a delegazione di u consiglio municipale, in cunfurmità cù e dispusizione di l'articulu L.2122-23 di u Codice generale di e cullettività territoriale.

Articulu 21 : Sòliti dibàttiti

Vene accurdada a parolla da u merre à i membri di u consiglio municipale chì ne facenu a dumanda. Nisun membre di u consiglio municipale ùn puderà piglià a parolla senza l'accunsentu di u presidente.

I membri di u consiglio municipale piglianu a parolla secondu l'ordine cronòlogicu di a so dumanda.

Quandu chì un membre di u consiglio municipale si scanta da a questione trattata o ch'ellu nuce à u svulgimentu bonu di a seduta cù interruzione o attachi persunali, li ne pò esse arritirata a parolla, da u merre chì pò, fà appiegà e dispusizione di l'articulu 17 di u regulamentu prsente. Sottu pena d'un rammentu à l'ordine, nisun interventu hè pussibile durentu u votu d'un affare sottumessu à a deliberazione

Articulu 22 : Dibattitu di urientazione per u bilanci (articulu L. 2312-1 di u CGCT)

U dibàttitu annuale à u consiglio municipale porta nantu à l'orientazione generale per u bilanci di l'eserciziu è nantu à l'ingaggiamenti plurianninchi previsti è nantu à l'evoluzione è e caratteristiche di l'indebitera di a cumuna, si tene inde un tempu dui mesi chì precedenu l'esàmine di ss'ultimu.

U dibàttitu di urientazione per u bilanci si tene durante una seduta urdinaria dopu à a scrizzione à l'ordine di u ghjornu. Sbocca nantu à una deliberazione è hè arrigistratu à u prucessu verbale di a seduta.

Inde e comune di più di 10 000 abitanti, i dipartimenti è e regione, purterà dinù nantu à a struttura è l'evoluzione di l'effettivi è di i principali posti di spese.

Ogni convucazione hè accumpagnata da un raportu chì precisaghja, pè natura, l'evoluzione di e ricette è di e spese di funziunamentu, e masse di ricette è di e spese d'investimentu ma dinù e priurità è l'evoluzione di a situazione finanziaria di a cullettività.

Articulu 23 : Suspensa di seduta

A suspensa di seduta vene decisa da u presidente di seduta. U presidente pò mette à i voti ogni dumanda chì vene da un consigliere o da un gruppu.

Rivene à u presidente di arrehje u tempu di e suspese di seduta.

Articulu 24 : Amendamenti

L'amendamenti ponu esse pruposti nantu à ogni affare sottumessu à u consiglio municipale.

Devenu esse presentati per iscrittu à u merre 48 ore nanzu à u consiglio municipale.

U consiglio municipale decide sè l'amendamenti sò messi in deliberazione, righjettati o rinviati à a cummissione competente.

Articulu 25 : Voti (articulu L. 2121-20 di u CGCT)

Sò pigliate e deliberazione à a maiurità assoluta di i voti sprimati.

Quandu ci hè scumpartera ugule di i voti è francu u casu scutinu secretu, u votu di u presidente hè preputente.

Hè vutatu di modi secretu :

- ✓ Sia quandu un terzu di i membri prisenti a dumandanu;
- ✓ Sia quandu ci vole à prucedu à una numinazione o à una presentazione.

In quessi dui casi, sè dopu à i dui giri à votu secretu nisunu di i candisati hà ottenutu a maiurità assoluta, si prucedu à un terzu giru di scutinu è l'elezzione si svolge à a maiurità relativa ; à ugualità di i voti, l'elezzione hè acquista da u più anzianu.

Pò decide u cunsigliu municipale, à l'unanimità, di ùn prucedu micca à u votu secretu à e numinazione o à e presentazione, franca dispusizione legislativa o regulamentaria chì prevede senz 'altru issu modu di scutinu.

Sè una candidatura sola vene sposta ad ogni postu à prucedu in grembiu à e cummissione municipale o inde l'organismi furagni, o sè una lista sola hè stata presentata dopu à a chjama à candidature, piglianu e numinazione un effettu subitanu, inde l'ordine di a lista, è ne serà datu lettura da u merre.

I buglittini o voti nulli è l'astensione ùn sò mica cuntabilizati.

U cunsigliu municipale vota in trè manera, à manu pisatu, à votu publicu cù a chjama numinale o à votu secretu.

U modu urdinariu di votu hè u votu à manu pisatu. Hè custattatu da u presidente è u secretariu chì contanu u nùmeru di i vutanti à prò è u nùmeru di i vutanti chì vòtanu contru.

U votu di u contu finanziariu unicu (CFU) presentatu ogni annu da u merre si face nanzu à u 30 di ghjugnu di l'annu dopu à l'eserciziu.

U merre s'arritira durante u votu. Vene arrettu u CFU sè una maiurità di i voti ùn s'hè micca sgagiata contru à a so aduzzione.

Articulu 26 : Chjusura di ogni discursata

Piglianu a parolla i membri di u cunsigliu municipale seguitendu l'ordine arrettu da u presidente di seduta.

Appartene à u presidente di seduta solu di sugillà i dibattiti.

CAPITULU V : Conturesi di i dibattiti è di e decisione**Articulu 27 : Prucessi verbali** (articulu L. 2121-23 di u CGCT)

Sò scritte e deliberazione secondu un ordine di data.

Venenu firmate da ogni participante presente à a seduta, induve hè fattu ammentu di a ragiò chì l'hà impediti di firmà.

E sedute pubbliche di u cunsigliu municipale venenu arrigistrate è sboccanu nantu à u prucessu verbale di a soma di i dibattiti di modu sinteticu.

Tempu stabilitu, issu prucessu verbale hè messu à dispusizione di i membri di u cunsigliu municipale.

Ogni prucessu verbale di seduta hè messu à i voti per aduzzione à a seduta chì prusegue à u so stabilimentu.

I membri di u cunsigliu municipale ùn puderanu intervene à st'occasione chè per purtà una rettifica à u prucessu verbale. A rettifica pussibile hè arrigistrata inde u prucessu verbale à vene.

Articulu 28 : Contu resi (articulu L. 2121-25 di u CGCT)

U contu resu cortu di a seduta vene affissatu è publicatu nantu à u situ di a nostra cullettività ottu ghjorni dopu à a seduta inde l'accuglianza di a merria.

Face cumparisce u sensu di e decisione pigliate da u cunsigliu.

Hè tenutu à dispusizione di i consiglieri municipali, di a stampa è di u pùblicu.

CAPITULU VI : Disposizione diverse

Articulu 29 : Messa à dispusizione di i lucale à i consiglieri municipali (articuli L. 2121-27 è D2121-12 di u CGCT)

I consiglieri chì ùn facenu micca parte di a maiurità municipale è chì ne facenu a dumanda ponu disporre di gràtisi di un lucale amministrativu permanente.

In cunfurmità cù a vulintà di u legislatore, a destinazione di u lucale hè di permette à i consiglieri municipali chì ne godenu u benefiziu di appruntà e riunione di u cunsigliu municipale è deliberà trà di elli di e sfarente questione chì interessanu a Cumuna.

A scumpartera di u tempu d'occupazione di u lucale amministrativu messu à a dispusizione di i consiglieri minoritari trà i sfarenti gruppi hè fissata cù un accordu cumunu.

Senza accordu, u merre prucedu à a scumpartera secondu à l'impurtanza di i gruppi.

U lucale vene cullucatu in Merria di Bastia -Av Pierre Giudicelli-20410 Bastia

Articulu 30 : Buglittinu di infurmazione generale (articulu L. 2121-27-1 di u CGCT)

Un spaziu hè riservatu à a spreSSIONE di i gruppi chì ùn appartenenu micca à a magiurità municipale nant'à u so buglittinu periodicu è nant'à un situ internet di a Cità.

Issu spaziu vene cunsacratu à a spreSSIONE libera nantu à l'affari cumunali.

Issu spaziu hè uguale à una meza pagina di u buglittinu municipale à scumpartesi d'un accordu cumunu trà i gruppi d'upposizione. Per ciò chì tocca à u situ internet, issu spaziu serà uguale à 3000 caratteri è puderà esse messe à ghjornu di modu trimesincu.

Articulu 31 : Designazione di i delegati inde l'organismi furagni (articulu L. 2121-33 di u CGCT)

U cunsigliu municipale prucedu à a designazione di i so membri o di i delegati per sedà in grembiu à organismi furagni inde i casi è e cundizione previsti da e dispusizione di u Còdice generale di e cullettività territoriale è di i testi chì regenu issi organismi. U fissamentu da issi testi di a durata di e funzione assignate à issi membri o delegati ùn face micca intoppu à ch'ellu possi esse prucedutu senz'altru, è per u restu di a durata, à u so rimpiazzamentu da una designazione nova operata inde e forme e listesse.

Articulu 32 : Ritiri di una delegazione à un aghjuntu (articulu L. 2122-18 alinea 3 di u CGCT)

Quandu chì u merre arritira e delegazione ch'ellu avia date à un aghjuntu, u cunsigliu municipale si deve pronunzià nantu à u mantenimentu di ellu inde e so funzione.

Un aghjuntu, privu di delegazione da u merre è micca mantenutu inde e so funzione di aghjuntu (ufficiale di u statu civile è ufficiale di pulizza ghjudiziaria) da u cunsigliu municipale, torna à diventà un semplice consigliere municipale. In quessu casu, ci hè vacanza d'un postu d'agjuntu, da pruvede segundu a prucedura elettiva appieghèvule à l'agjunti (articulu di u codice generale di e cullettività territoriale)

Issu novu aghjuntu à pena elettu piglierà piazza à l'ultima rangata inde l'ordine di l'aghjunti, è ognunu di l'altri aghjunti ricculerà di una rangata. Ma u cunsigliu municipale puderà derugà à issu principiu è decide chè inde l'ordine di u tavuellu, issu novu aghjuntu occuperà a listessa rangata ch'è u so predecessore.

Sè u cunsigliu municipale decide d'ùn pruvede micca à a vacanza di quessu postu, una calata di u numeru di l'agjunti averà da fassi per deliberazione.

Articulu 33 : Mudifica di u regulamentu

U presente regulamentu pò fà l'ogettu di mudifiche seconde a dumanda è nantu à una pruposta di u merre o di un terzu di i membri in eserciziu in l'assemblea comunale

Articulu 34: Appiecazione di u regulamentu

U regulamentu presente hè da appiecà à parte da u cunsigliu municipale di u 23 d'aprile di u 2026.

Bastia

CITTÀ DI CULTURA